

## تَبْرَاتُ لَيْ يُورَا يَعْقُوبْ

إِفْرِ إِزْوَارْنْ

<sup>١</sup> غْ دَارْ يَعْقُوبْ لَيْ يِكَانْ إِسْمَكْ نْ رْبِيْ دْ وَينْ سِيدِيتْخْ يَسُوعْ لَمْسِيْحْ. أَرْ تَازْنَخْ سَلَامْ إِنُو إِسِينْ دْ مَرَاوْ نْ أُفُوسْ نْ أَيْتْ رْبِيْ لَيْ كُلو مَرْزِنِينْ غْ تَمِيزَارْ نْ دُونِيتْ.

<sup>٢</sup> إِسَاتْ أَيْيِتْمَا إِزْدْ إِسْعَدِينْ أَتَكَامْ تِرِي نَا تَزِرَائِيمْ كُرِيْكَاتْ أَنَاؤْ نْ تَسَاسْتْ، <sup>٣</sup> تَسَانْمْ إِغْ إِزْرِي لِيمَانْ نُونْ غْ تَسَاسْتْ إِسْ رَادَاوْنْ إِزَايْدْ غْ صِبَرْ. <sup>٤</sup> أَكِيونْ إِكْ صِبَرْ وَادِ إِكْمَلْنْ، فَاتَّكْمْ وِيدِ مَقُورِنِينْ تَكْمَلْمْ أَكْنِينْ أُورْ إِخْصَّا يَاتْ. <sup>٥</sup> وَنَا كِيونْ تَخْصَّا لَحْكَمَا، إِصَالْبَتْ إِرْبِيْ لَيْ يِكَانْ إِمَنْ سْ تُوكْتْ أُورْ أَيْتَلَامَا يَانْ، نَتَانْ رَادَاسْتْ إِفَكْ. <sup>٦</sup> وَلَائِنِي إِلَا فَلَاسْ أَيْضَالْبْ سْ لِيمَانْ أَسَارْ أُورْ إِشْكُو، أَشْكُو وَلَيْ يَشْكُونْ إِكَا زُونْدْ أَكَانْ تَضِنْكَوِينْ نْ لَبْحَرْ لَيْ يَكِيْتْ رِيْحْ أَرْتِنْتْ إِدْهِيْ. <sup>٧</sup> زُونْدْ غُواَدَدَكْ أُورْ إِغَالْ إِسْ رَايَامْزْ كَرَا غْ دَارْ رْبِيْ. <sup>٨</sup> أَشْكُو بُو سِينْ لَارِيَا أُورْ جُونْ يَسِوَا غْ كُولْ مَايِسْكَارْ. <sup>٩</sup> إِلَا فْ أَمُونْ نَا يِكَانْ دَرِيوشْ أَيْزْعَمْ سْ غَمْكَلِيتْ إِسْمَعُورْ رْبِيْ، <sup>١٠</sup> غَمْكَانْ دْ أَمُونْ نَا دَارْ لَابَاسْ إِلَا فَلَاسْ أَيْتَسْكَارْ رْبِيْ أَشْكُو إِكَا كِيسْ أَنُوزْ، أَشْكُو وَلَيْ دَارْ لَابَاسْ أَرْتْ تَلَاخْ زُونْدْ أَجْدِيْكْ نْ تُوكَا. <sup>١١</sup> أَشْكُو أَرْدْ تَقَلَّاَيْ تَفُوكْتْ سْ لَحْمَا نْسْ إِجْدَرْنْ تَسْغَارْ تُوكَا إِضْرْ أَجْدِيْكْ نْسْ، لَاحْ أَفُولْكِي نْسْ. غَمْكَانْ أَسْ إِتَغَارْ وَلَيْ دَارْ لَابَاسْ أَلَا نَتَانْ إِسَالَا نِيتْ تَوُورِي نْسْ. <sup>١٢</sup> أَمْبَارْكِيْ أَيْكَا وَلَيْ يَصِيرْنْ إِسَاتْسْتْ، أَشْكُو إِغْ فَلَاسْ إِكَا رَأِيَامْزْ تَاجْ نْ تُودْرْتْ لَيْ سْ إِقاوْلْ رْبِيْ إِولِيتْ حُوبِنِينْ.

<sup>١٣</sup> إِغْ إِتَيُوجْرَابْ كَرَا نْ يَانْ أَدْ أُورْ إِنَا: «رْبِيْ أَيْ يِجْرِبِنْ»، أَشْكُو رْبِيْ أُورْ إِتَتْجَرَابْ يَانْ سْ مَايْهَرْشِنْ، أَلَا أَرْ سَرْسْ إِتَيُوجْرِيبْ. <sup>١٤</sup> وَلَائِنِي كُرِيْكَاتْ يَانْ أَرْ إِتَيُوجْرَابْ إِغْتِينْ تَلْدِي شَهْوَا نْسْ تَكْرُفتْ. <sup>١٥</sup> إِغْ تُوسِي شَهْوَا أَحْلِيْكْ تَرُو لَمْعَصِيتْ، لَمْعَصِيتْ إِغْنْ إِلَمَا تَمْقُورْ تَرُو لَمُوتْ. <sup>١٦</sup> أَدْ أُورْ تَجْلُومْ أَيْيِتْمَا عَزَّانِينْ. <sup>١٧</sup> هَانْ كُرِيْكَاتْ تِكِيتْ إِصْلَحْنْ دْ كُرِيْكَاتْ تِكِيتْ إِكْمَلْنْ أَفْلَا أَدْ تَكَا، تَكْرَذْ غْ دَارْ بَابْ نْ تَقِوِينْ لَيْ أُورْ إِتَبَدَالْنْ أَلَا أَرْ إِتَسْتُولْ زُونْدْ أَمْلُو. <sup>١٨</sup> نَتَانْ أَيْرَانْ إِكَاخْ تَرُوا نْسْ سْ وَالْ نْ لَحْقْ أَدْ نُكْ لَغْلَتْ تَمَنْزُويْتْ غْ أَيْلِي كُلو يَخْلُقْ.

<sup>١٩</sup> هِيَ أَيْيِتْمَا تَغَوَّلَاتْ إِغْ رَاتْسَفَلْمْ، أَرْ تَوِيمْ شُورْ إِغْ رَأِسَافِلْمْ أَدْ أُورْ تَرْخُومْ دَادَاوْنْ تَطِيرْ، <sup>٢٠</sup> أَشْكُو يَانْ إِغضِبِنْ أُورَا إِسَكَارْ مَايِصْلَحْنْ لَيْ يِرَا رْبِيْ. <sup>٢١</sup> هِيَ بَضُوِيَّاتْ دْ كُولْ مَايِلِسْنْ دْ كُرِيْكَاتْ أَنَاؤْ نْ كَارْ، تَقْبَلْمْ سْ أَنُوزْ أَوَالْ نْ رْبِيْ لَيْ يِكَا غْ أُولَأَوْنْ نُونْ هَانْ إِزْضَارْ أَكَنْ إِفُوكُو. <sup>٢٢</sup> وَلَائِنِي سُكَرَاتْ سْ وَالْ نْسْ،

أَدَاسْ كَا أُورْ تُسْفَلِيْدِمْ تَهْضِرْمْ غِ إِخْلَوْنْ نُونْ. <sup>23</sup> أَشْكُو وَلَيْ كَا إِسْفَلِيْدِنْ سْ وَوَالْ نْ رَبِّيْ أُورَا سِرْسْ إِسْكَارْ، إِكَّا دِيدْسْ زُونْدْ وَلَيْنْ إِسْمُقُولْنْ أُودْمْ نْسْ غِ لَمْرِيْ، <sup>24</sup> أَرْنْ إِسْمُقُولْ إِحْفْ نْسْ إِدُو إِتُو نِيتْ غِ تِرِي يَانْ مَمْنُكْ سُولْ أَيْكَا. <sup>25</sup> وَلَائِنِي يَانْ إِفْرُونْ شَرْغْ إِكْمَلْنْ لِي يِنْكَانْ وَيِنْ تَدْرِفِيتْ، إِداوْمْ غُونْشَكَانْ أَرْ إِسْقَلِيْدِ إِوَالْ نْ رَبِّيْ أَرْ سِرْسْ إِسْكَارْ أُورَاتْ إِتُو، رَا كِيسْ إِكْ رَبِّيْ لِبَرَكَا غِ أَيْلِيْ يِسْكَارْ. <sup>26</sup> إِغْ إِغَالْ كَرَا كِيُونْ إِسْ يُومْزْ دِينْ، نَتَانْ أُورْ أَكْ إِحْكَمْ غِ إِلْسْ نْسْ، هَانْ إِهْضِرْ غِ إِحْفْ نْسْ دِينْ نْسْ أُورْتْ إِكِيْ. <sup>27</sup> دِينْ إِصْحَانْ لِي يِغُوسْنْ غِ دَارْ رَبِّيْ بَابَاتْخْ، إِكَاتْ أَيْتَاوسْ يَانْ أَيْكَيْكِيلِنْ دِ تَدْكَلِينْ غِ تَسَاسْتْ نْسْ، دِ اَيْضُوفْ إِحْفْ نْسْ غِ أَيْلِيْ يِتَلْسْنْ إِكْ وَيِنْ دُونِيتْ.

2

## إِفْرِ وِيسْ سِينْ

<sup>1</sup> لِيْغْ تُومِنْ أَيْيِتِمَا سِيدِيْتَخْ يِسْوُعْ بَابْ نْ لَمْجَدْ، أَدْ أُورْ تُسْكَارْمْ أَدْمَأوْنْ. <sup>2</sup> أَشْكُو إِغْنْ إِكْشِمْ كَرَا نْ يَانْ إِلْسَانْ لَخْوَاتْ نْ وُورْغْ دِ تَمْلِسِيتْ إِفُوكِينْ سْ أَكْرَارْوْ نُونْ، إِكْشِمْنْ كَرَا نْ دَرِيُوشْ أَلَا نَتَانْ سْ كَرَا نْ تَمْلِسِيتْ إِرْكَانْ، <sup>3</sup> تَسْمُوقْلَمْ غِ ولَيْ يِلْسَانْ تَمْلِسِيتْ إِفُوكِينْ تَتِيمْ أَسْ: «مَرْحَبَا بِيكْ كَالْوَرْ كِيْ غِيدْ». تَتِيمْ أَسْ إِدِرِيُوشْ لِيْ: «بِيَدِنْ كِيْ عِينْ» نَعْدَ: «كَالْوَرْ غِيدْ غِ دَارْ إِصَارَنْ نَخْ»، <sup>4</sup> مَاخْ أُورْدْ أَدْمَأوْنْ أَيَانْ تُسْكَارْمْ تَكْمْ إِدْ لَفَاصِي لِيْ دَارْ كَارْ إِسْوِنْكِيمْ؟ <sup>5</sup> سَفَلَاتْ أَيْيِتِمَا عَرَانِينْ: مَاخْ أُورْدْ دَرَاوْشْ نْ دُونِيتْ أَدْ أَيْسِتِي رَبِّيْ إِكْتَنْ دِ ولَيْ دَارْ لَابَاسْ غِ لِيمَانْ، دِ ولَيْ رَايْكُوسُو تَكْلِيدِيتْ نْسْ لِي سْ إِقاوْلْ إِولِيلْتْ حُوبِنِينْ؟ <sup>6</sup> وَلَائِنِي كِنْيِ إِسْ تَحْكَرْمْ دَرِيُوشْ. مَاخْ أُورْدْ وَلَيْ دَارْ لَابَاسْ أَفْلَاؤْنْ إِتَصْلَاضْنْ أَرْكُنْ تَجْغُرُونْ سْ لَمْحَاكِمْ؟. <sup>7</sup> مَاخْ أُورْدْ نَتِي أَيْسَوَالِنْ سْ لَجْهَالْتْ فِ إِسْمْ إِفُوكِينْ نْ وَلَيْ مِ تَكَامْ وِينْسْ؟ <sup>8</sup> إِغْ أَتَسْكَارْمْ سْ لَوْصِيتْ نْ تَكْلِيدِيتْ غَمْكِلِي يِتِتِي وَرَا نْ رَبِّيْ: «حُبُو أَدْجَارْ نَكْ زُونْدِ إِحْفْ نَكْ» هَانْ لَمْزِيتْ أَتَسْكَرْمْ. <sup>9</sup> وَلَائِنِي إِغْ أَتَسْكَارْمْ أَدْمَأوْنْ، دَنُوبْ أَيَانْ تُسْكَارْمْ، دِ شَرْغْ أَرْ فَلَاؤْنْ إِتَحْكَامْ إِسْ طَرْزَامْ. <sup>10</sup> أَشْكُو يَانْ كُلُو إِسْكَرْنْ سْ شَرْغْ إِرْزْ كِيسْ يَاتْ لَوْصِيتْ، هَانْ إِرْزَا كُلُو شَرْغْ. <sup>11</sup> أَشْكُو وَلَيْ يِنْانْ أَدْ أُورْ تَرْنُوتْ إِنَا دَاخْ أَدْ أُورْ تَنَقَّاتْ. إِغْ أُورْ تَرْنِيتْ وَلَائِنِي تَتْغِيَتْ كَرَا هَانْ طَرْزِيتْ كُلُو شَرْغْ. <sup>12</sup> هِيْ أَدْ أُورْ تَتِومْ إِسْ رَاكِنْ إِحَاسْبْ رَبِّيْ فِ كُولْ مَاسْ تَنَامْ دِ كُولْ مَاتَسْكَرْمْ، سْ شَرْغْ نْ تَدْرِفِيتْ. <sup>13</sup> أَشْكُو أَسْ نْ لَحْسَابْ أُورْ تَلِي رَحْمَتْ إِيَانْ غِ أُورْ تَلِي رَحْمَتْ، أَمَا وَنَاغْ تَلَّا رَحْمَتْ أُورْ إِكْصُوضْ أَسْ نْ لَحْسَابْ.

<sup>14</sup> مَانْ صَحَا أَيْيِتِمَا إِلَانْ دَارْ يَانْ إِنَانْ يُومِنْ مَشْ أُورَا يِسْكَارْ أَيْلِي سْ يُومِنْ؟ إِسْ إِرْضَارْ أَيْنِجمْ سْ لِيمَانْ أَنْ؟ <sup>15</sup> إِغْ إِعْرَا كَمَاكْ نَغْ التَّمَاكْ لَكْمَنْ فِ مَادْ شَتَانْ، <sup>16</sup> إِنَّا يِسْنْ كَرَا كِيُونْ: زَيَّدَاتْ أَدِيدُونْ إِمُونْ لَهُنَا رَغَاتْ تَشْبِعَامْ وَلَائِنِي أُورَاسْنْ تَفْكِيمْ أَيْلِي سْ حَتَّجَانْ مَاسِتَنْ تَفَعَّامْ؟ <sup>17</sup> غَمْكَانْ أَيْكَا لِيمَانْ، إِغْ أُورْ إِمُونْ دِ لَافَعَالْ إِمُوتْ نِيتْ. <sup>18</sup> إِرْضَارْ أَدَاكْ يِنِي كَرَا نْ يَانْ: «كِيْ دَارِكْ لِيمَانْ نَكِيْ دَرِي لَافَعَالْ». مَلِيُّي لِيمَانْ نَكْ بْلَانْ

لَفْعَالْ نُكْ، نُكِي رَادَاكْ مُلْخْ سْ لَفْعَالْ إِنُو لِيمَانْ إِنُو. <sup>19</sup> كِي تُومَنْتْ سْ رَبِّي إِسْ إِكَا يَانْ. إِفُوكِي غُمَكَانْ. وَلَائِنِي هَانْ حَنَّا شِيَاطِينْ أُومَنْ سْ غُونْشُكَانْ، أَرْ تَرَكِكِينْ سْ تَكْصَاصْ! <sup>20</sup> وَلَائِنِي إِسْ تَرِيتْ أَوَارْ لَعْقَلْ أَتَسَانْتْ إِزْدْ لِيمَانْ بِلَانْ لَفْعَالْ إِسْ إِمُوتْ؟ <sup>21</sup> مَاخْ أُورْدْ لَفْعَالْ أَسْ إِقْبَلْ رَبِّي بَابَاتْخْ إِبْرَاهِيمْ غْ دَارْسْ لِيغْنْ إِفَكَا يُوسْ إِسْحَاقْ فْ إِكِي نْ أَمْغُرِيشْ؟ <sup>22</sup> أَرْ تَسْمُوقُولْتْ لِيمَانْ نَسْ غِيدْ إِمُونْ دْ لَفْعَالْ، دْ لَفْعَالْ نَسْ أَسْ إِكْمَلْ لِيمَانْ نَسْ، <sup>23</sup> غُمَكَانْ نِيتْ أَسْدْ إِكْمَلْ وَرَأَنْ رَبِّي لَيْ يَنَانْ: «يُومَنْ إِبْرَاهِيمْ سْ رَبِّي إِقْبَلْ غْ دَارْسْ» إِكْ أَمْدَاكْلْ نْ رَبِّي. <sup>24</sup> غَلَادْ هَتِي تَرَرَامْ إِزْدْ لَفْعَالْ أَسْ إِتَقْبَالْ رَبِّي مَدَنْ غْ دَارْسْ أُورْدْ لِيمَانْ كَا وَحْدَوْتْ. <sup>25</sup> غُمَكَانْ دْ رَاحَابْ لَيْ يَكَانْ تَلَى يَتَرْنُونْ، مَاخْ أُورْدْ لَفْعَالْ نَسْ أَسْ تَكَانْ تَادْ إِصْلَحْنْ لِيغْ تَسْمَرْحَبَا سْ إِرْقَاصْنْ لَيْ تَسْوُفْغَنْ أَدْ رَوْلَنْ كَنْ أَغَرَاسْ يَاضْنْ؟ <sup>26</sup> أَشْكُو غُمَكَلِي تَمُوتْ دَاتْ لِيغْ أُورْ إِلَيْ رُوحْ، أَيْمُوتْ لِيمَانْ لَيْ أُورْ إِمُونْ دْ لَفْعَالْ.

3

### إِفْرْ وِيسْ كِرَاضْ

<sup>1</sup> أَكِيُونْ أُورْ إِكُوتْنْ إِسْلَمَادْنْ أَيْيِتْمَا، أَشْكُو تَسْسِمْ نُكَنِي نْ إِسْلَمَادْنْ إِسْ رَأَبَهْرَا نَتِيُوْحِسِيبْ! <sup>2</sup> أَشْكُو أَرْنْ كُلُو نَتَشَضْ غْ كِيَگَانْ تَغُوسِوِينْ. إِغانْ أُورْ إِتَشَضْ يَانْ غْ وَوَالْ نَسْ هَانْ إِكَا وَادْ إِكْمَلْ، إِرْضَارْ أَيْحَمْ غْ دَاتْ نَسْ كُلُوتْ. <sup>3</sup> إِغْ نَكَا لَكَامُو إِوْبِيسْ غْ إِمِي نَسْ، أَرْ كُلُو نَتَحْكَامْ غْ دَاتْ نَسْ، أَرْتْ نَتَصُوكْ سْ إِنَا نَرَا. <sup>4</sup> غُمَكَانْ دْ سَقِينْتْ مَقَارْ بَهْرَا تَمَقُورْ، إِكُوتْنْ إِجَوَانْ لَيْتْ تَصُوكِنْ، أَرْكِيسْ إِتَحْكَامْ يَانْ دَمَانْ مَزْيِنْ يَوِيتْ سْ إِنَا يِرَا وَلَيْتْ إِصْوَكْنْ. <sup>5</sup> غُمَكَانْ أَيْكَا إِلْسْ أَلَا نَتَانْ، مَقَارْ إِمْزِي غْ لَجَوَارِحْ أَرْ إِتَعْنَا سْ تِيدْ مَقْوِرِنِينْ. ثَرَاتْ كَا يَانْ أَنْضَكِيگْ نْ لَعَقِيْتْ مَنْشَكْ نْ أَصْغَارْ نْ تَكَانْتْ أَيْجَدْرْ! <sup>6</sup> إِلْسْ إِكَا لَعَقِيْتْ! إِكْ دُونِيتْ نْ دَنُوبْ، إِلَا غْ كُرْ لَجَوَارِحْ نَخْ أَرْ كُلُو إِنْلَسْ دَاتْ، إِصْرَغْ لَعَقِيْتْ غْ تُودْرَتْ نَخْ، أَرْدْ إِتَوِي لَعَقِيْتْ نْسْ غْ جَهَنَّمَا. <sup>7</sup> أَشْكُو إِرْضَارْ أَفْكَانْ أَيْحَمْ غْ كُرِيَگَاتْ أَنَاوْ نْ لَوْحَاشْ دْ وَيَلَانْ، أَلَا إِمْرَادَنْ غْ إِكِي نْ وَكَالْ أَلَا لَمْخُلُوقَاتْ لَيْ لَانِينْ غْ لَبْحَرْ، دْ إِسْ نِيتْ كِيسِنْتْ إِحْكَمْ. <sup>8</sup> وَلَائِنِي إِلْسْ نَتَانْ أُورْ إِرْضَارْ يَانْ أَكِيسْ إِحْكَمْ، إِكَا كَارْ غْ أُورْ إِحْكَمْ يَانْ، إِعْمَرْ سْ سَمْ إِنْقَانْ. <sup>9</sup> نَتَانْ أَسْ نَتَحْمَادْ سِيدِيَتْخْ دْ بَابَاتْخْ، نَتَانْ أَسْ نَتَعَالْ مَدَنْ لَيْ يِسْكُرْ رَبِّي فْ صَفَاتْ نَسْ. <sup>10</sup> يَانْ إِمِي أَغْدْ تَقْوَعْ لَبِرَكَا دْ نَعْلَتْ! تَغُوسِوِينْ أَدْ أَيْيِتْمَا أُورْ إِعْدَلْ أَدْ كَنْتْ غُمَكَانْ! <sup>11</sup> إِسْ إِمْكَنْ أَدْ فَعْنْ وَمَانْ لَانِينْ تِيسِنْتْ دْ وِيدْ مِيِنِينْ غْ يَانْ أَغْبَالُو؟ <sup>12</sup> نَغْدَ إِسْ تَرَضَارْ أَيْيِتْمَا تَزَارْتْ أَتَسْكُرْ تَرَيِنْ؟ أَلَا أَصِيلْ إِسْ أَيْسَكَارْ إِكْرَارْنْ؟ غُمَكَانْ دْ يَانْ أَغْبَالُو أُورَادْ إِسْوُفُغْ أَمَانْ لَانِينْ تِيسِنْتْ دْ وَمَانْ مِيِنِينْ.

<sup>13</sup> وَنَا يَكَانْ وَادْ إِفْهَمْنْ إِكْ أَمْسَانْ غْ كِرْتُونْ، إِلَا فَلَاسْ أَيْمَالْ مَيَانْ سْ تُودْرَتْ إِصْلَحْنْ دْ لَفْعَالْ لَيْ يِسْكَارْ سْ تَوَاضُعْ لِيَدْ يُوشَكَانْ غْ لَحِكَمَا. <sup>14</sup> مِشْ إِغْ حَرَانْ أُولَوْنْ نُونْ سْ لَحَسَدا دْ تِيَطِيتْ، أَسْرَسْ أُورْ

تَعْنَامُ، أَرْ تُسْكِرْ كِيسْمُ فَلُحْقٌ.<sup>15</sup> هَانَ لْحِكْمَا نَا أُورْدُ تُكُوزْ عِ إِكْنُوَانُ، وَلَائِنِي أُورْ تُكِي بْلَا تِينَ وَكَالْ تِينَ أَفْكَانْ تِينَ شِيَطَانُ.<sup>16</sup> أَشْكُو إِنَاعْ تِلَّا لَحْسَدَا تِيَطِيتُ، أَغْ تِلَّينَ إِرْوَائِينَ دَكْرِيَّاتَ أَنَاؤْ نَكَارُ.<sup>17</sup> أَمَّا لَحْكَمَا لِيدْ إِكَانَ إِكْنُوَانُ، تَادُ كُلُو إِزْوَارْنَ تَنَّاتَ تُعْوَسُ، تَكَنَّ لَهَا، أَرْ تَكَأَ لَخَاطِرُ، أَرْ تَفَهِيمُ، تَعْمَرْ سَرَحْمَتْ دَمَايِصْلَحْنُ، أُورَا تُسْكَارَ أَدْمَاؤْ أَلَا إِلَا كِيسْ نَفَاقُ.<sup>18</sup> لَغْلَتْ إِصْلَحْنَ أَرْدُ تَكَأَ أَمُودْ نَلَهَا لَيْ تَرَانَ وَلِي سَكَرِينِينَ لَهَا.

4

## إِفْرُ وِيسَ كُوْزْ

<sup>1</sup> مَنِيدْ كَانَ إِمَاغْنَ دَ طَرَيِّيتْ أَدْ لَيْ يَلَانَ غْ كَرْتُون؟ مَاخَ أُورْدَ شَهَوَاتْ لَيْ تَمَاغْنِينَ غْ أَكْنَسْ نُون؟<sup>2</sup> أَرْ تَيَرِيمْ كَرَا سَتْ أُورْ تُوفِيمْ، أَرْ نِيتْ تَقَامْ إِنْكَرْتُونْ تَحْسَادْمَتْنَ مَشْ أُورْ تَرْضَارَمْ أَتَكْمَ أَيلِي تَرَامْ، أَرْ كَا سُولْ طَرَيِّيمْ أَرْ تَمَاغْمُ وَلَائِنِي أُورَا تَلَكْمَ أَيلِي تَرَامْ أَشْكُو أُورَاتْ تَضَالِبْ إِرْبِي.<sup>3</sup> حَتَّا إِغْ أَسْ تَضَالِبْ كَرَا أُورَأَيُوتْ يَكَا، أَشْكُو أَرْ تَضَالِبْ سَكَارَنِيتْ تَيَرِيمْ أَيَّنَا يُونْ إِفْكَا أَتْ تَسْخَصِرْمُ فَشَهَوَاتْ نُونْ.<sup>4</sup>

وَالِي تَرْنُونِينِ! إِزْدُ أُورْ تُسَسْ تَايِّري نَدُونِيتْ أَدْ إِزْدُ لَعْدَاوَتْ نَرْبِي أَتَكَا؟ هَانَ يَانَ إِرَانَ دُونِيتْ إِكَا لَعْدُونَ رْبِي.<sup>5</sup> إِسْ تَعَالَمْ إِزْدُ إِسْ أَكَا يُسَوَّالَ وَرَانَ رْبِي بْلَا لَفَائِيتْ لَيْغَ إِنَا: هَانَ رُوحْ لَيْ كِينْخِ إِكَا رْبِي أُورْ إِرِي أَدَاخْ إِشْرَكْ دَيَان؟<sup>6</sup> وَلَائِنِي رْبِي أَرَاخْ يَكَا نَعْمَتْ إِكْوَتْنَ غَانَ أَفْ إِتَّيْ وَرَانَ نِسْ: «إِكَا رْبِي ضَيِّضَنْ وَلِي كَابِرِينِينَ، وَلِي تَواضَعَنِينَ أَرَاسِنْ يَكَا نَعْمَتْ نِسْ». <sup>7</sup> هَيْ فَكَاتْ إِخْفَاؤْنَ نُونَ إِرْبِي. مَغَاتْ دَإِلِيسْ أَكِيُونْ إِرْوَلْ.<sup>8</sup> أَكْمُورَاتْنَ سَرْبِي أَدْ سُرُونْ يَكْمُورْ. سَعْوَسَاتْ إِفَاسِنْ نُونَ أَوِلِي فَغَنِينَ أَغَرَاسْ، سَعْوَسَاتْ أَوْلَوْنَ نُونَ أَوِلِي دَارْ سِينَ لَارِيَا.<sup>9</sup> غَبْنَاتْ أَرْ تَسْغُويُومْ أَرْ تَلَامْ. گَاتْ تَضَنْصَا نُونَ تَغُوَيِّيتْ، تَكْمَ لَفْرَخْ نُونَ دَلْحَنْ.<sup>10</sup> تَوَضَعَائِيتْ غْ أَمْنِيدْ نَرْبِي أَيَّالَ شَانَ نُونَ.

أَدْ أُورْ تَادَرْمْ إِنْكَرْتُونْ أَيِّيَّتْمَا سَكَارَ، أَشْكُو يَانَ إِتَّيَّنَ كَارَ فَكَمَاسْ نَغْ فَلَاسْ إِحْكَمْ، هَانَ أَرْ يَادَرْ شَرْعْ نَرْبِي سَكَارَ أَرْ فَلَاسْ إِتَّحَكَامْ. إِغْ أَتَحَكَامْتْ فَشَرْعْ هَانَ أُورَا سِرْسْ تُسْكَارَتْ، إِسْ فَلَاسْ تَكِيَّتْ لَقَاضِي.<sup>12</sup> مَشْ أُورْ إِلِي أَبْلَا يَانَ لَيْ يَسْكَرْنَ شَرْعْ، نَتَّانَ أَيْكَانَ لَقَاضِي لَيْ دَارْ لَجَهْ أَيْجَنْجَمْ يَانَ نَغْتْ إِنْغا. مَاسْ تَتِيَّتْ إِسْتْ تَكِيَّتْ كَيْ أَيْلِيغْ أَتَحَكَامْتْ فَوِيَاضْ؟<sup>11</sup>

غَلَادْ رَارَاتْ لَعْقَلْ أَوِلِي تَتِيَّنِينِ: «غَسَادْ رَانْدُو سَتْمَدْنَتْ أَدْ نَغْ خَتَانَ، رَانَ كِيسْ نَزَرِي أَسْكَاسْ نَزَنْزِ<sup>13</sup> نَسْغْ نَسْكُرْ صَحَا».<sup>14</sup> كَنِي لَيْ أُورْ سَنِينَ يَاتْ فَأَزْكَأَا! مَاتَكَأَا تُودَرْتْ نُون؟ تَكَأَا زُونْدْ أَرَاكَوْ لَيدْ إِتَّيَّانَ يَانَ إِمِيكْ سَتْ نِيتْ لَاحَ.<sup>15</sup> مَافْ أُورْ تَتِيَّمْ: «إِغْ إِرَا رْبِي نَدَرْ سُولْ، رَا نَسْكُرْ مَيَادْ نَغْدَ مَيَان».<sup>16</sup> وَلَائِنِي كَنِي إِسْ أَتَعْنَامْ سَنْ إِخْفَاؤْنَ نُونَ تَكَابِرْمْ. لَكِيرْ أَدْ كُلُو كَارَ أَغْ إِكَا.<sup>17</sup> هَانَ يَانَ إِسْنَ أَيْسْكُرْ أَفُولِكِي أُورْتْ إِسْكُرْ، دَنُوبْ أَدَاسْ إِكَا غُونْشَكَانَ.

## إِفْرُ وِيسَ سَمُوسَ

<sup>١</sup> غَلَادْ أَشْكَادْ أَيْدِ بُو لَامْوَالْ، أَلَايَاتْ أَرْ تُسْغُويُومْ إِنْمَارَا لِيغْ رَاسُولْ تِلِيمْ. <sup>٢</sup> لَامْوَالْ نُونْ مَدَانْ، تَمْلَسَا نُونْ تَشَاتَتْ تَمْدِي. <sup>٣</sup> أُورْغْ نُونْ دَنْقَرْتْ نُونْ تَشَاتْ تَبِيكْتْ، تَبِيكْتْ نَسْنْ رَا فَلَاؤْنْ تَكَأْ تُوكَأْ، أَرْ تَشَتَّا تَفِيَّا نُونْ زُونْدْ لَعْفِيتْ! تَسْمُونْمْ لَكْنُوزْ غْ أَسَانْ أَدْ كَرَانِينْ. <sup>٤</sup> هَانْ تَغْرَاضْ نْ إِخْدَامْنْ لَيْ يَاوْنْ مُكْرِنِينْ إِكْرَانْ نُونْ أُورْ أَسْنَتْتْ نَقْكِيمْ، تَغْرَاضْ نَسْنْ گَانْتْ سَرْوُنْ تَغْوِيَّتْ، تَغْوِيَّتْ نْ إِخْدَامْنْ أَنْ إِسْفَلْدْ أَسْ رَبِّي لَيْ يِزْضَارْنْ إِكْرِيَّكَاتْ. <sup>٥</sup> تَقْجِيْجْمْ غْ إِكَّيْ وَكَالْ تِلِيمْ غْ نَعَامِنْ أَرْ تَعْلَافْمْ إِخْفَاؤْنْ نُونْ إِوَسَنْ نْ تَغْرَصِيْ. <sup>٦</sup> تَحْكُمْ فْ وَلِيْ أُورْ سَكْرِنِينْ يَاتْ تَتْغَمْتْنْ.

<sup>٧</sup> كَنْيِي أَيْيِتْنَمَا صِبَرَاتْ أَرْدَ يَاشْكِ سِيدِيَّتْخْ. هَانْ أَمْكَراَزْ أَرْ إِنْقَلْ سْ وَكَالْ أَدَسْ إِفْكْ لَغْلَاتْ إِلَانْ أَتِيَّ، إِصْبَرْ فَلَاسْ أَرْدَ إِسْوُ سْ أُنْثَارْ أَمْزُرِيْ أَلَا أَمَاتُولْ. <sup>٨</sup> صِبَرَاتْ أَلَا كَنْيِي تَرْعَمْ هَانْ سِيدِيَّتْخْ إِقْرَبْ أَدْ يَاشْكِ. <sup>٩</sup> أَدْ أُورْ تَسْمُومُويْمْ أَيْيِتْنَمَا فْ إِنْكَرْتُونْ أَفْلَاؤْنْ أُورْ يُوتْ رَبِّي لَحُوكْمْ. هَانْ وَلِيْ رَأِيُوتْ لَحُوكْمْ فْ مَدْنْ إِقْرَبْدْ، إِسْدِنِيتْ إِبْدَ غْ إِمِي نْ تَكْمِي. <sup>١٠</sup> ضَفْوَرَاتْ أَيْيِتْنَمَا لَانْبِيَا لَيْ سَوَلْنِينْ سْ إِسْمْ نْ سِيدِيَّتْخْ غْ تَرْفُوفْتْ لَيْ زَرِينْ دْ صَبَرْ نَسْنْ. <sup>١١</sup> نَكْنِي أَرْ نَنْتِي إِمْبَرْكِينْ أَدْ گَانْ وَلِيْ صِبَرِنِينْ. هَتِيْ تَسْفَلْدْمْ فْ صَبَرْ نْ أَيُوبْ تَزْرُمْ مَمْنُكْ أَسُولْ دِيدْسْ إِسْكَرْ رَبِّي غْ إِسْ إِكَّرَا. أَشْكُوْ رَبِّي إِحْنَا تَكُوتْ رَحْمَتْ نَسْ. <sup>١٢</sup> وَلَانِيْ أَيْيِتْنَمَا فْ أُفْلَأَ كَلُونْ نَمِيَانْ، أَدْ أُورْ تَكَلَّامْ سْ إِكْنُواَنْ أَلَا أَكَالْ أَلَا سْ كَرَا يَاضْنْ. وَلَانِيْ أَيْكْ يَاهْ نُونْ يَاهْ، إِكْ أَهُوْ نُونْ أَهُوْ أَفْلَاؤْنْ أُورْ إِتُوتْ لَحُوكْمْ.

<sup>١٣</sup> وَنَا كِيُونْ إِلَانْ غْ تَسَسَتْ أَرْ إِطْرَلاَ، يَانْ إِفْرَخْنْ أَرْ إِتْسَبَاحْ إِرْبِي. <sup>١٤</sup> إِغْ كِيُونْ إِلَا وَادْ يُوضَنْ إِغْرْ إِيمَغَارْنْ نْ لَكْنِيْسَا أَدْ زَالْنْ غْ لَجِهَتْ نَسْ، ژَغْرِنْتْ سْ زَيْتْ سْ إِسْمْ نْ سِيدِيَّتْخْ، <sup>١٥</sup> هَانْ طَرَلِيتْ نْ لِيمَانْ أَرْ تَجِيْ جِيْ أَمْضُونْ، رَبِّي رَاتْ إِسْتَكْرْ، إِغْ إِسْكَرْ كَرَا نْ دَنْبْ رَادْ أَسْتْ إِغْفَرْ. <sup>١٦</sup> تَقْرُوِيَّاتْ إِنْكَرْتُونْ سْ دَنْوَبْ نُونْ، أَرْ طَرَلَامْ غْ لَجِهَتْ نْ إِنْكَرْتُونْ أَتْجِيمْ. هَانْ طَرَلِيتْ نْ وَادْ إِصْلَحْنْ إِكُوتْ مَايِسْكَارْ لَجَهْدْ نَسْ. <sup>١٧</sup> إِكتَنِيْ نَبِيِّ إِلَيَا إِكَا زُونْدِ نِيتْ نَكْنِي، إِلَّا سْ تَمِي نْ وُولْ نَسْ أَنْ إِبِي أُنْثَارْ فْ وَكَالْ، إِبِيْنْ أُنْثَارْ كَرَاصْ إِسْكَاسْنْ دْ سَضِيَّصْ بَيْرِنْ. <sup>١٨</sup> إِلَّا دَاخْ يَلِيدْ أُنْثَارْ غْ إِكْنُواَنْ، إِسْكَرْ وَكَالْ لَغَلَاتْ. <sup>١٩</sup> إِغْ كِيُونْ أَيْيِتْنَمَا إِجْلَا كَرَا نْ يَانْ إِفْغْ أَغْرَاسْ نْ لَحَقْ إِرَارْتِيدْ كَرَا نْ يَانْ، <sup>٢٠</sup> أَيِّسَانْ إِزْدْ وَنَادْ إِرْوَرَانْ كَرَا نْ يَانْ إِجْلَانْ إِنْبْ يَوِيتْ كَارْ أَغْرَاسْ، هَانْ إِفُوكَاتْ غْ لَمُوتْ، إِسْتَرْ تُوكَتْ نْ دَنْوَبْ.